

Ûn viadi istoric tras l'hotellaria engiadinaisa

L'areal da Nairs es stat i'l focus dals terz dis d'architectura engiadinaisa. Quels han cumanzà cun ùn referat da l'architect Lorenzo Giuliani davart l'hotellaria engiadinaisa. Sco cha l'ensemble Nairs as pudess sviluppar in futur, han preschantà ils diplomands d'architectura da la ETH Turich.

La Fundaziun Nairs ha invità in venderdi e sonda passada a la terza ediziun dals Dis d'architectura engiadinaisa. Cun referats, discussiuns da podì ed ün'exposiziun es gnüda tematisada l'istorgia, il preschaint ed il futur da l'areal Nairs a Scuol.

Punct da partenza dals duos dis suot l'insaina da l'architectura engiadinaisa es stat ün referat da Lorenzo Giuliani in venderdi saira illa Fundaziun Nairs. L'architect, chi'd es creschü sü a San Maruzzen ed abita a Turich, ha quintà ad üna settantina d'interessats da l'istorgia e da l'architectura da l'hotellaria engiadinaisa. Ils prüms hotels ed edifizis gronds haja dat intuorn ils ons 1860.

Grondas dimensiuns simmetricas

Ils hotels engiadinais – ils quals sun per la gronda part gnüts fabricats tanter ils ons 1860 e 1914 – as laschan classificar in quatter fasas. «L'on 1864 sun gnüts inaugurats ils prüms duos gronds hotels in Engiadina, chi sun tuots duos gnüts fabricats sper funtanas mineralas e chi sun gnüts progettats dal listess architect, nempe da Felix Wilhelm Kubly», ha declerà Lorenzo Giuliani. Pro'ls prüms duos gronds hotels as tratta da la chasa da cura da Scuol/Nairs e da quella da San Murezzan. Las duos chasas da cura fan part da la prüma tipologia d'hotels plü gronds in Engiadina. Ellas han tuottas duos grondas



Las lavuors da diplom da la ETH Turich sun gnüdas expostas illa sala d'entrada da l'Hotel Scuol Palace. L'architect Lorenzo Giuliani (a dretta) ha referi davart l'istorgia e l'architectura da l'hotellaria engiadinaisa.



fotografias: Martin Camichel

ters lunga. A San Murezzan sco eir a Scuol sun quistas chasas gnüdas fabricadas dadour ils cunfins da cumün da quel temp, quai sün areals novvs.

«La segunda tipologia es gnüda sviluppada var 20 ons plü tard a partir dals ons 1880, cur chi sun gnüts fabricats ils prüms hotels als urs dals cumüns», ha dit il referent. Dal stil s'orienteschan quists edifizis vi da gronds palazis i'ls stils da renaissance o baroc e las fatschadas sun amo adüna fabricadas in möd simmetric. Ün exaimpel per quista fasa es tenor l'architect il Grandhotel Kronenhof a Puntraschigna.

Chastels e stil grischun

A partir dals ons 1890 han ils architects d'hotels lura müdà lur referenza dals palazis a chastels medievals cun üna structura asimmetrica. Characteristic per quista tipologia sun diversas tuors, balconi torts, fatschadas in crappa ruotta e

Hotel a San Murezzan, sco eir l'Hotel Waldhaus a Segl», uschè Lorenzo Giuliani.

L'ultima perioda, chi'd ha cumanzà a partir dal 1900 as poja tenor Lorenzo Giuliani interpretar sco directa resposta da tscherts architects a las trais tipologias precedaintas. Uschè es d'urant quista fasa eir naschü l'uschedit Bündner Heimatstil, chi citescha divers aspets da l'architectura indigena, sco balconi torts, ornamentals da sgrafit o l'adöver da crap da tuf. Implü han ils architects redimensiunà ils edifizis per tils integrar meglder i'l purtret da la cuntrada. Ma il boom d'hotels es abruptamaing fini al cumanzamaint da la prüma Guerra mundiala dal 1914.

Resistenza a crisas e transfurmaziuns

Davo las duos Guerras mundialas s'ha l'hotellaria in Engiadina darcheu pudü remetter pass per pass. Ils gronds hotels

tels da classa d'immez sun gnüts surtuts da grondas chadainas d'hotel. «Divers hotels sun gnüts ingrondit cun novvs edifizis plü «efficiants», dimena per dar alloggi ad uschè blers giasts sco pusibel. Ün exaimpel per ün tal ingrondimaint es l'Hotel Saratz a Puntraschigna», uschè Lorenzo Giuliani.

Tscherts da quists hotels da classa d'immez – sco l'antierur Posthotel a San Murezzan – sun però eir gnüts transfurmats in seguondas abitaziuns. Pacs edifizis – sco l'Hotel Chantarella sur San Murezzan – sun dafatta gnüts sbodats perquai chi sun stats our'd funcziun per decennis.

Pussibilitats d'utilisaziun

L'antierura chasa da cura a Scuol – hozindì il Scuol Palace – ha survivü ils bundant 170 ons istorgia d'hotellaria engiadinaisa. Ma i'ls ultims ons ha l'hotel adüna darcheu müdà proprietari e

cundà da divers edifizis istorics, sco la Fundaziun Nairs (antierura chasa da bogn), üna villa, la chasa da funtana da Carola, las büvettas Tarasp (serrada causa privel da boudas) e Sfondraz.

Per dar darcheu vita a quist ensemble unic, han diplomadas e diplomads da la ETH Turich elavurà in occasiun da lur lavur da master divers progets integrond tuot ils edifizis da Nairs. Quists progets sun gnüts exposts d'urant ils duos dis d'architectura illa sala d'entrada da l'Hotel Scuol Palace. Il böt d'eira d'evaluar diversas pussibilitats d'adöver per Nairs e quai sainza ingünas restricziuns. I nu's trattaiva d'üna incumbenza, mabain plütost d'ün experimaint per s-chaffir üna survista davart diversas pussibilitats d'utilisaziun. L'exposiziun es gnüda inaugurada in seguit al referat davart l'hotellaria engiadinaisa ed es stata il punct da partenza per las diversas discussiuns da podì dals